



UNIVERSITÄTS-
BIBLIOTHEK
PADERBORN

**ITINERARI[I] || ITALIAE || RERVMQ. ROMANARVM || LIBRI
TRES ||**

Schottus, Franciscus

Antverpiae, 1600

Formiæ.

[urn:nbn:de:hbz:466:1-70633](https://nbn-resolving.de/urn:nbn:de:hbz:466:1-70633)

coraque versantur, ac arbusta graminaque; nunc carpunt. Vises insuper murorum & turrium magna vestigia, portarumque; praetatos fornices, aliaque aedificiorum fundamenta solidissima: ex quibus colligere est, urbem opibus splendidae & potentem fuisse. Nunc solum aratro proscissum, campi deserti, ruinæ, ruderæque spectata: nec non vicinæ paludes C. Marij post plures consulatus & triumphos proscripti latibris celebres, inconstantis fortunæ, & vicissitudinis rerum insignia cuius exempla suggerunt.

MINTVRNAE PALVDES.

Illustres & multis saeculis postea Minturnæ prælio maximo & cruento contra Saracenos, quo Christiani victores Ioanne x. summo Pontifice, & Alberico Tusco ducibus hostem perniciosissimum Italia profigarunt: exceptis profugorum e prælio reliquiis, quæ Garganum montem occuparunt. In quo se diu postea tenuere, prædationibus, & piratica vitam sustentantes.

FORMIAE.

INde secus Appiam via Herculanea multatum, Tullio teste, deliciarum, perge Formias. Molam nunc appellant castellum in litoris rupe positum. Ex situ, locorumque veteri descriptione Volaterranus, & antiquitatum periti plures coniiciunt M. Tullij Ciceronis *Formianum* ibidem fuisse. Nec refragor admodum. Etenim aedificiorum antiquorum ruinæ, statuarum tituli, & epitaphia, quæ in Appia & vicinis villis reperiuntur, liquide demonstrant Formias ibidem fuisse: atque inter alia hoc Elogium, quod in basi statuæ legitur, quam

I.M.P.

EMP. CAESARI. DIVI
HADRIANI. FILIO. DIVI
TRAIANI. PARTHICI. NEP.
DIVI. NERVAE. PRONEPOTI
TITO. AELIO. HADRIANO
ANTONINÓ. AVG. PIO. PONT
MAX. TRIB. POT. XI. CÓS. IIII. P. P:
FORMIANI, PUBLICE

ibidem posuerant. Alias marmorum inscriptio-
nes omnes hic adferre longum esset. At *Formias*
primū condidisse Lacones in antiqua Læstrigo-
num antropophagorum sede, Strabo, Plinius,
Solinus, plurēsque veteres consentiunt. Ideoque
domum *Antiphatae compressam freto* Silius poëta vo-
cat, quod ibidem *Antiphates* Lami filius, Ne-
ptuni nepos *Læstrigonibus* imperitarit: quos Si-
ciliæ partem post *Cyclopes* propè Leontinos in-
habitasse volunt, & ante Græcorum in Italiam
aduentum oram occupasse Campaniæ; vbi post
à Græcis *Caieta* condita: quam & à *Lamo* Ne-
ptuni filio *Læstrigonom* rege regnatam Silius
idem canit: item litus incoluisse, vbi *Formias*
condidere Lacones: quas hi à commodis na-
nium stationibus primū *Hormias* Græca voce
vocarunt. Postea Campanis *Greci* succubuere,
Romanisque deinde *Campani*: qui in præfectu-
ræ formam, Annibale pulso, simul cum *Capua*
Formias quoque reduxerunt: cùm prius tamen
municipium fuisset, atque ciuitatis ius cum suf-
fragij latione obtinuisse, sicut à Liuio libro
xxxix. docemur. bello demum ciuili, ut Fron-
tinus auctor est, à 111. viris Cæsare, Antonio, &
Lepido, inter colonias Italæ militares *Formiæ*
redactæ fuerunt: & Imperatorum temporibus
propter cæli temperiem semper floruisse, ex
Horatio, Martiale poëta, & auctorum multo-
rum scriptis constat: quod ipsum & veterum
ædificiorum, monumentorumque frequentia
palam

palam ostendit: quamuis denique barbari Saraceni hoc opidum, sicut & Campaniae plures urbes funditus exciderint, ante annos ferè ducentos. Tunc etiam ex loco deserto *Formianum* episcopatum Gregorius 111. p.p. *Caietam* transluit, ut & antè diximus. Deinde Appia proficisces. *Fundos:*

VELITRAE.

INde *Velitrae*, Volscorum olim opidum, antiquitate & potentia clarum, cuius in Romana historia frequens est mentio. nam ab Anco Martio rege Rom. obsidione graui ad deditioem compulsa *Velitrae*, Liuius & Dionysius Halicarnassaeus scribunt: seuerissimeque tandem punitos *Veliternos* fuisse propter frequentem rebellionem, prodit item Liuius. Nam muri eorum disiecti, & optimates expulsi, atque ultra Tyberim habitare iussi sunt: carceris etiam adiecta pena, si quis eorum citra flumen per mille passus pedem protulisset. Fuit item ab antiquo ciuium Rom. facta colonia, quam variis temporibus exhaustam, multiplici bello saepius adauxere, nouisque colonis frequenterunt, sicut ex eodem Liuius discimus. Sex. Iulius Frontinus in fragmento de Coloniis tradit *Velitrae* opidum lege Sempronia fuisse deductum: postea Claudium Cæsarem eius agrum limitibus Augusteis censitum militibus adsignari iussisse. Tum igitur militaris colonia facta est. Celebres quidem antiquitus *Velitræ* maioribus D. Augusti, gente nimirum Octavia nobili & antiqua, quæ originem ex hac colonia duxerat. Atque nutrimentorum Augusti locum extitisse suo tempore, Suetonius auctor est, inclytum religione in eius aucto suburbano, casa permodica, & instar cellæ penuariae iuxta *Velitrae*. Nunc antiquatum pauca.